

重
錄
總
校
官
卿
郎
臣
蔡
鳴
雷

學
士
臣
王
大
任

分
校
官
編
修
臣
張
四
維

書
寫
儒
士
臣
張
棟

圖
點
監
主
臣
傅
道
立

臣
許
汝
孝

永樂大典卷之一萬四千三百八十五

四霽

冀 冀州二

宋薛季宣地理叢考堯典申命和仲宅朔方曰幽都注朔方北方也山海經曰幽都之山黑水出焉今雲中西北七百里契丹慶州之北有黑山黑水出虜中尊其神視岱岳蓋幽都云禹貢冀州九河同為逆河入海禹夷皮服之貢自夾石碣石入河爾雅燕曰幽州數昭餘祁又東至孤竹謂之四荒職方幽州山暨巫閭數奚養川浸河汴溜時并州山恒數昭餘祁川浸淳泡嘔夷沫易商之幽州地包幽并東漸碣石周分冀兗東界達于肅慎爾雅中朝時女真國舊棘鞬也以為幽州沫易以南入并州矣詩稱梁山韓侯受命奄受此國因以為伯然則韓侯幽伯也漢幽州部周之亳燕朝鮮故地并州西部得朔方之境蓋自大河恒水以北周嘔夷沫水也魏分東部置平州而慕容氏資以造燕并州西部自漢末入匈奴晉末索頭虜入幽州益強大為後魏唐立平盧安東盧龍營大同雲振武單于天德軍節度得漢幽并州地而義武軍亦頗得其南土易幽都之境自秦漢

魏為匈奴烏丸之境。晉魏而下。為奚契丹。唐襄。契丹取平盧。及營平州地。至晉。盡以盧龍大同等軍予之。迄于中朝。為契丹南境。而我之河北東路。亦頗得易水以北。為涿水西。肅慎西二圖。繪左地入契丹。未能詳盡者。尚當考見之云。

幽州。契丹燕京。薊。有高梁水。清泉河。落馬水也。唐立僑順州。又沃州。僑治。迴城。又有漢雍奴城。陰鄉城。石勒所置君子城。訛曰箕子。幽都。薊北桃花山在北。唐僑燕州治。廣州。曠平地。永清。清泉河。南漢平谷城在北。安樂城在西北。昌平。有九度水。廣僑帶州軍都城。芹城。居庸關。亦名古北口。良鄉。有大防山。清淀。迴城水。古聖水也。廣陽城。唐僑順州。歸義州。瑞州。夷賓州。黎州治。石窟堡。僑威州治。來閭城。僑師州治。都鄉城。僑慎州治。武清。雍奴地。有永州城。潞。唐解州。僑治。故潞城。香河。安次西。安次。有常道城。唐昌州。僑治。有易京。易州。易國。安西北有九山。窮獨山。大賁嶺。送荆。陘。燕。丘。水。南易水。寬水也。中易水。南易水也。安國河。易水也。有蘭馬臺。金臺。荆鄉城。漸高城。范陽城。加夷城。長安城。漢刺史李宣築。為妻范陽公主封邑。通城。唐為涿水縣。五公城。唐五回縣。移故治。故治五回山東麓在西。滿城。別在易南。契丹常置泰州。故北平地。涿州。范陽。寒涿有涿水。臨地城。唐僑。漢城。

州。古州。信州。青山州。柞溝關。在西南。新昌。方城地。固安。夏方城。唐初自章
 信城移置。新城。冰南有皆亢陂。歸義。冰東北。平塞軍。寔武遂。可汗州。唐
 州。懷戎。寔潘城。移東治清夷軍。媽水逕故城中。古冰麻水也。有阪泉。家麻
 山。歷山。大翻山。小翻山。美頡山。古軒棘丘也。雞鳴山。磨茅山也。有冰麻城
 小寧城。缺門關。居庸塞。在東北。東連盧龍。碣石。西屬太行。常行蓋。古上谷
 郡地。唐自居庸以北。皆沒於契丹。而臨沮。北居等縣。悉為懷戎地矣。蔚州
 靈丘。別在滙上。飛狐。寔廣昌。到刺山在西北。又有磨茅山。即山。深谷。飛狐
 關。代城。興唐。雖替地。到刺山在東。朔州。鄯陽。寔馬邑。有武周山。黃河在
 西。句注山在東。南有陰館城。鄯無城。神武。館陰地。馬邑。馬邑東。大同軍治
 有春乾泉。奉聖州。唐新州。厲門西。永興。磐石。龍門。懷安。雲州。契
 丹雲中府。建西京。雲中。平城。西有白登山。大山。乾真山。東安陽。班氏高柳
 參合。當城。水固。桑乾。道。人。且如馬城。平邑。昌平城。西北故塞外有單于臺
 薊州。漁陽。有沽水。路水。三河。潞地。玉田。寔無終。有徐無城。無終山。燕山
 符家塞口。烏梁河在東。檀州。密雲。寔虎真。有沽河。鮑立水。龍宮溪。桑漢
 三城水。桃花山。赤城鎮。遼軍治。黑城川。德勝口。塞在縣東北。有古北口。望
 雲。寔樂夷。領冷陁山在西北。亦曰戍山。其東南有九十九泉。古九泉水也。

泉西北。即儒州。西承聖州。非上谷東。九十九泉。順州。懷柔。滑鹽西南。其
 東北有漢城。魏丹耶律氏所起。古滑鹽城也。北安州。燕樂。寔安州有灤
 水。柳水。白檀城。安樂城。樂陽城。古北口在西。松亭關在東。北灤水西二路
 皆入中京。平州。盧龍。寔肥如有灤河。盧水。沮水。潤水。龍鮮水。黃洛水。陽
 洛水也。上谷塞口在北。古盧龍鎮在西北。營州。契丹與中府。柳城。有龍山。
 馬首山。麻首山。古白狼山也。州東南有鮮卑山。燕慕容氏所起也。山西北
 棘城。高陽氏之墟。其東塞外亦有鮮卑山。漢遼西郡城在郡東南。徒河城
 在東北。彭盧水自徒河入海。古平盧水也。亦曰唐龍水。有白狼水。雞鳴山。
 黃龍城。唐置信州。昌黎城。置崇州。昌州。徒河東有青山。置青山州。師州。鮮
 州。帶州。地入契丹。並不復見。宜州。唐燕州。遼西。夏汝羅南有營丘城。魏興
 圖風地記云。奔管州也。未詳。慕容氏徙徒河縣治。立營丘郡。灤州。土根新
 平今之地。義豐。幽州東五百里。平州西南二百里。灤河。肥如南。灤水東。灤
 水。難水之謫也。董羊唐書音云。出奚國都。山遼平州城東。未詳。馬城。寔海
 陽。石城。州西寔臨榆有驪城。紫城。臨榆關在東南。渤海。昌城地。有泥姑海
 口。沽河口也。望都。定喜。二縣。僑土。寰州。寰清。劇陽。淫。在南陶地西陲。
 應州。金城。武周劇陽地。黃河在西。沃陽城。桐過城。混源。武進地。有混波

川。白道川。紫河。一曰金河。古白渠也。有涼城。定襄城。武進城。振武軍。單于府。金河。寔盛樂。唐勝州。併入鄯陽嶺。長城在北。古定襄塞也。有金河泊。沙陵湖也。上承紫河。與濛川合入河。濛水。古芒于也。有雲中城。魏河頭殿在北。其北陰山。北有季陵臺。陽原城。西北青冢。草色常青。府至磧口七百里。有燕然山。故勝州。榆林縣在河南。古沙陵地。東有榆林關。河北有預陵城。南有君子津。富昌城。古西河郡也。天德軍。安北府治永清柁。隋大同城也。西受降城。寔臨河東至府。百八十里。東北四十里。有單于臺。唐置燕然都護府。又二百六十里至磧口。又西北一十五百里至回鶻牙。中受降城。九原地治拂雲堆。北四十里。有敕本城。周萬八百七十二步。壕塹深峻。賈耽以為九原郡城也。西北至軍二百里。北至磧口五百里。南渡河至麟州四百里。東受降城。寔威陽。北距磧口七百里。儒州。縉山。崇夷鎮。西。鴈門。東北九十九里。距幽州十餘里。歸化州。唐武州。文德。鴈門北。右唐故地。渝州。寔臨榆關東北。海州。西北招延州。招延州。北澤州。澤州。松亭關北。大定府。唐丹中京滑鹽地。耶律氏所起。漢城也。東營州。西儒州。東南建州。西北饒州。建州。南渝州。東北霸州。西南小凌河。石城水也。利州。東北建州。南小凌河。蘭州。利州。西南海州。榆州。東北潤州。西渝州。遼州。西潤州。東北

州。東北五里。榆關。遼水入海于此。來州。歸德軍。永隰州。隰州。東南距海。自
渝州以東皆距海郡路。北入建州。宜州。定汝羅西霸州。南錦州。西北白川
州。東遼水。白川州。永熙州。西南霸州。霸州。永錦州。南厭州。錦州。臨海軍營
丘地。東渡遼。至顯州西南。厭州南距海。嚴州。南距海。永北錦州。海北州。永
錦州。南距海。瀋州。永小遼水。北雙州。南安東府。安東府。若丹永京。莫安市
東。小遼水西十三山。入西大遼水。西北岩州。東南鴨綠水。西南錦州。西北
顯州。岩州。古白岩城。永女貞界。南集州。北雲山縣。同州。永女貞。西安東。西
南集州。西北雙州。耀州。永鴨綠江。南石城。西大遼水。北安東。開州。開遠軍
東南石城。高麗國界。西永遼城。又西保州。西南吉州。吉州。永石城。西南鴨
綠江。又南鹽州。西距海。保州。永鴨綠江。東南宣化軍。南距海。北有大陵河。
鹽州。永保州。西南距海。北小鹽州。小鹽州。西距海南鹽州。西遼州。治遼陵
縣。號始平軍。永北璧玉關山。永乾州。西北度遼至宜州。南距海。乾州。北璧
玉關山。東北七里至顯州。顯州。故渤海國都。漢無慮縣地。近省康州。集州。
并入永遼州。遼州。莫遼陽。西南安東。雙州。保安軍。永臨逆流河。大梁水也。
西南遼州。南瀋州。北榆河州。銀州。永臨逆流河。女貞國界。至雙州北。渤州。
貴州。州城漢公孫康築。云康所據城非也。西瀋州。永女貞。信州。唐青山州。

東南北三面女貞界。西遼流水。西黃龍府。北黑水。東南長春州。韓州。東北女貞。西渡遼水。至惠州。南通州。近省三河。榆河州。併入隱測。其地古襄平縣也。黃龍州。東南長春府。西北龍化州。南徽州。西南新州。西鴨子河。長春府。韶陽軍。西北黃龍府。龍化州。契丹東樓東泉州。西南降聖州。南遂州。西南新州。北亭送河。通州。大餘府。三韓故地。北韓州。降聖州。北龍化州。東遼水。南輝州。輝州。宋宗州。西紫濛川。西酒糟河。北潢水。祿州。宋曼頭山。西南輝州。北亭送河。穆州。北酒糟河。東南渡河。至壁至間山。西中京。宗州。治熊山。縣在石熊山之陽。東渡遼。南入顯州。北潢水。奚人謂之吐護真河。云黃河別源。蓋紫濛川在潢水北。西南入河。潢水蓋濛川支流。謂之別源可也。紫濛川。今白馬溪。恩州。南中京。西馬盂山。西北渡潢至曼頭山。入宜坤州。北高州。高州。治三韓僑縣。東南恩州。西北饒州。惠州。東新州。西南中京。南建州。北渡潢水。石橋至高州。宜坤州。啓聖軍。西南上京。東有長泊周二百里。南距中京四日程。捷虜河經州北。東合長泊至曼頭山。北合鴨子河。永州。在木葉山之陽。潢水北。西北上京。捷虜河出木葉山。烏州。契丹烏素部落。北鴨子河。東北遂州。東南祥康山。遂州。鴨子河北。徽州。長春州。西南黃龍府。南。臨潢府。契丹上京。唐松漠府。西南饒州。南潢水。祖州。天成軍。黑水

北。祖山南。東北上京。饒州。唐饒樂府。南潢水。石橋在東西。南平地。松林北。拖河黑水至祖州。慶州。黑山南。潢水北。東受頭山。東南上京。北室韋國。西韃靼國。黑水出黑水。懷州。奉陵軍北潢水至。上京。東南中京。西平地。松林西北韃靼國。右胡地。近世建置郡縣。當考。

平壤府。定朝鮮國內城。定九都。右高麗國。

雄州。歸信。易西南易水。南唐瓦橋關也。巨馬河在北。周備立歸義縣。容

城。故城在西北。有巨馬水。易水。大泥濘。小泥濘。渾泥城。漢並容侯盧他國也。南有三臺。燕魏舊界。信安軍。歸義。南新鎮地。廣信軍。遂城。易水南

北新城地。有武遂津。送荆陘。遂城山在西。寔龍山。安肅軍。安肅。寔梁門。唐有戎鎮。周置梁門口砦。右河北路。雄州信安東路。廣信安肅西路。

古國。蚩尤氏。孤竹。周國。薊。燕。無終。赤曰山戎。朝鮮。肥

肥如。肅慎氏。代。漢國。燕。高句驪。朝鮮。

續談助冀州。舜有十二牧。禹貢九州。則其一也。安晉志舜以冀州南北闊

大。分衛以西為并州。燕以北為幽州。周人因焉。春秋時為晉東陽地。三家

分晉。屬趙秦屬鉅鹿郡。漢置十三部刺史。冀州部郡國九。魏鉅鹿常山清

河。趙廣平。真定。中山。信都。信都國。縣十七。案信都國高帝置。景帝二年為

廣川國。宣帝甘露一年復。應劭曰。明帝更名樂安。安帝改曰安平。見前。后漢志。注。漢永平置冀州。見通典。後漢亦郡國九。案光武至下博城。西有白水。父指曰。努力。信都郡為長安守。光武即馳赴之。信都太守任光出迎。即令州下博在博水之下。故城在深州靜安縣南。一云大山有博縣。故此加下。魏鉅鹿常山中山安平河間清河趙勃海安平國十三城。州治高邑。袁曹為州治。郡。魏時州治。信都。晉郡國十三。安平國縣八。初治信都。又治厭次。後魏郡四。長樂郡縣八。案通典。後魏為長樂郡。兼置冀州。北齊後周因之。後治信都。隋開皇初。郡廢。大業初。置信都郡。唐武德四年。改為冀州。本年置總管府。徙治下博縣。正觀元年。府廢。州復治信都。龍朔二年十二月十六日。更為魏州都督府。咸亨三年九月二十五日。復故名。天寶元年。為信都郡。乾元元年。復為冀州。案冀州。堯所都。虞及三代。同為冀州。魏文黃初中。以鄴為王都。始移冀州治信都。石趙慕容垂或治鄴。或治冀州。皇朝慶曆八年閏正月三日。升為武安軍。案周禮。河內曰冀州。韋昭王肅漢書云。東西南北皆有河。故曰河內。爾雅云。兩河間曰冀州。郭璞公自來河至西河。李巡曰。兩河間。其氣清。厥性相近。故曰冀。冀道也。淮南子云。正中冀州曰中土。注云。冀大也。風俗。漢志云。趙地丈夫相聚游戲。悲歌慨懷。

多弄物為倡優。女子彈弦跕躡。跕音它類。躡與復同。跕謂輕攝之也。大率
精急高氣。競輕為姦。前代稱冀幽之士。鈍如推。換十三州志云。冀州之地。

蓋古京也。人患割得。改語曰。仕官不偶。值要都。人物。嘯父冀州人。少

在曲周市上。稱獲。梁思得其掌火法。臨上三亮山。與母別。數十火而登仙。

見列仙傳。山堂先生羣書考索。今信安保定。瀛。深。洛。磁。相。西南盡河之

地。屬河東。河北東西路在漢。冀得司隸幽并等州十郡國之地。冀參幽州

得司隸幽冀等州二十郡。在晉即幽司冀平等州。列郡在唐。冀為河東道。

冀參古幽。為河北道。

文獻通考。周亡。宋受命。太宗以太平興國四年。平劉繼元。盡得河東之地。

宋承唐制。冀州之境。為河北河東兩路。其後又分河北為東西二路。宣

和間遣使約女真夾攻遼。取石晉所沒之地十六州。遼既亡。金人止以薊

景檀順涿易六州二十四縣來歸。遼將張斂又以平州來降。繼復為金所

取。靖康後。冀地盡沒于金。

宋時為州四十七。縣一百七十四。縣名已見各州條下。此不重具。

真定府九縣。相州六縣。邢州八縣。定州八縣。陳州五縣。

磁州四縣。深州五縣。瀛州四縣。雄州二縣。霸州三縣。

莫州四縣。

祁州三縣。

冀州七縣。

趙州七縣。

保州一縣。

安肅軍一縣。

廣信軍一縣。

乾寧軍一縣。

順安軍一縣。

永定軍一縣。

信安軍一縣。

保定軍一縣。

承大軍一縣。

太原府十縣。

潞州八縣。

晉州十縣。

代州四縣。

絳州七縣。

河中府五縣。

解州三縣。

慶成軍一縣。

澤州六縣。

汾州五縣。

忻州二縣。

隰州六縣。

慈州三縣。

遼州四縣。

憲州一縣。

嵐州三縣。

威勝軍四縣。

平定軍二縣。

寧化軍一縣。

岢嵐軍一縣。

火山軍一縣。

保德軍一縣。

大通監一縣。

水利監一縣。

真定府。

春秋時鮮虞國之地。左傳晉伐鮮虞。註中山新市縣。戰國時屬

趙。趙之東恒山邑也。秦屬鉅鹿郡。漢高祖置恒山郡。後避文帝諱。改曰常

山郡。亦屬真定國。後漢屬常山國。晉復為常山郡。後魏因之。後周置恒州。

領常山郡。隋初郡廢。煬帝初州廢。復置常山郡。唐乾元中。杜祐通典云。乾

元元年。復為恒州。或為常山郡。天寶中。杜祐通典云。天寶十五年。改為平

山郡。元和中。改為鎮州。又為成德軍。節度。屬河北道。宋同。領縣九。真定。

鹿泉。井陘。靈壽。九門。栲城。石邑。房山。行唐。後唐為

北都真定府。後罷都。復為成德軍。晉改為常州。順國軍。漢復為成德軍。真

定府。後以趙州之元氏樂城二縣來屬宋。開寶間廢九門石邑二縣。端拱初以鼓城隸祁州。淳化初以東廠隸深州。慶曆八年置真定府。路安撫使統真定磁相邢趙洛六州。宋祖宗時以河北為天下根本。以真定為河北根本。所以扼賊之衝。為國門戶。當時募集鄉兵大修武備。有河漕以豐邊用。有商賈以集芻粟。三関置方田水糴。胡騎既有限隔。又也重兵與定州相倚角捍禦。實為重鎮。靖康末陷於金。貢羅領縣九。治真定。真定。漢縣。有淳沱河。滋水。棗城。隋縣。晉陷虜。周復獲鹿。唐縣。有井陘関。井陘。漢縣。燕趙謂山脊曰陘。下視如井。漢書車不得方軌。騎不得成列。熙寧中有井陘八復康平山。八斗復治。井陘縣徙治天威軍。即縣治軍。軍便隸府。有二寨。金人為威州。平山。唐縣。有十五寨。白馬関。靈壽。本中山國之都。漢縣。衛水在西。有二寨。熙寧中省為鎮。入行唐。元祐初復之。元氏。漢縣。常山郡故城。光武征彭寵。生明帝於此。樂城。漢縣。有泚水。汶水。

相州。殷王河亶甲居相。即其地也。春秋時屬晉。戰國時屬魏。後屬趙。秦為邯鄲郡地。兩漢為魏郡。魏武王建都於此。魏都在鄴縣。晉亦為魏郡。後趙石虎前燕慕容儁並都之。杜祐道典皆都於鄴。冉閔為慕容儁所滅。慕容暉為苻堅所滅也。太平御覽。晉書初童謡云。古在左。月在右。讓去言。

或入口。古在左。月在右。胡字也。讓去言為裏也。或入口。國也。魯為石勒所都。後魏道武置相州。取河豐甲居相之又。東魏靜帝初遷都于此。改置魏尹。及置司州牧。北齊又都焉。改為清都郡。置尹。後周置相州。及魏郡。自故鄴移治安陽城。隋初郡廢。煬帝初州廢。復置魏郡。自北齊之滅。水冠士人多遷閩內。唯伎巧商販。及樂戶移實郡郭。由是人情險詖。至今好訟。唐為相州。或為鄴郡。屬河北道。宋同。領縣十一。安陽。先城。洹水。滏陽。

臨河。成安。鄴。內黃。湯陰。林慮。臨漳。梁為昭德軍節度。後唐降為軍事。晉為彰德節度。後以內黃城安洹水三縣屬大名府。宋因之。靖康二年陷於金。貢暗花。牡丹花。紗知母。胡粉絹。領縣六。治安陽。安陽。即紂都之地。隋縣有銅爵臺。西河洹水。鄴。漢縣。宋魏北齊所都。有漳水。紫陌橋。西門渠。三臺。鳳陽門。熙寧五年省為鎮。入臨漳。湯陰。古美里城。文王被囚之所。漢湯陰縣有美水。湯水。宣和初以縣隸濟州。尋復之。永定。唐縣。梁改長平。後唐復。臨漳。西門豹為令。造十二渠。決漳水溉民田。東魏縣。林慮。後魏縣有隆慮山。洹水。漳水。

邢州。古祖乙遷于邢。即此地。亦邢國也。春秋時魏滅邢。魯僖公時晉伐衛取邢。其地遂屬晉。七國時屬趙。秦為鉅鹿邯鄲二郡地。項羽分趙立張

耳為常山王。居信都。更名信都曰襄國。即其地也。漢屬鉅鹿常山二郡。及趙廣平二國地。後漢因之。晉為鉅鹿趙二國石。勒都於此。張賓說曰。襄國因山險。形勝之國。可都之。後魏為鉅鹿郡。隋置邢州。煬帝初置襄國郡。唐為邢州。或為鉅鹿郡。屬河北道。宋同。領縣九。龍岡。光山。南和。平鄉。

鉅鹿。青山。沙河。內黃。作。梁保入軍節度。後唐改安國軍。宋因之。宣和初陞為信德府。建炎二年陷於金。貢緡白磁盞。鮮王砮領縣八。

治龍岡。龍岡。即秦信都縣。隋初改名縣。北有夷儀嶺。左傳邢遷夷儀。即其地。有麥水。渴水。宣和初改為邢臺。沙河。隋縣。南和。漢縣。後周置南和郡。任。漢張縣地。唐縣有任水。潞水。熙寧五年省為鎮。入南和。元祐初復。平鄉。古大原之野。有沙丘之臺。對所築。即始皇死處。晉為縣。熙寧間省為鎮。鉅鹿。元祐初復之。鉅鹿。漢南樂縣。隋為縣。有廣澤河。堯山。唐縣。有泝水。熙寧初省為鎮。入內丘。元祐初復。內丘。隋縣。有礪溝水。龍。騰水。

定州。帝堯始封唐國之地。戰國初為中山國。後為魏所并。後又屬趙。秦為上谷鉅鹿二郡。漢高帝置中山郡。中山記曰。城中有山。故曰中山。景帝改為中山國。後漢因之。晉亦不改。後燕慕容垂移都於此。都中山。置中山君至慕容寶。為後魏所陷。北岳常山在焉。後魏為中山郡。無置安州。道武。

帝改為定州。後周置總管府。領鮮虞郡。隋初郡廢。煬帝初置博陵郡。後改為高陽郡。唐為定州。或為博陵郡。又為義武軍節度。屬河北。宋同。領縣十一。安喜。義豐。北平。鼓城。深澤。恒陽。望都。唐昌。無極。

陘邑。新樂。後周以深州博野屬宋。建隆初以易州北平屬太平興國初。

改定武軍。雍熙間以博野置寧邊軍。景德初以蒲陰置祁州。以祁州無極。

慶曆八年始置定州。路安撫使。統定保深祁廣信安肅順安永寧八州軍。

政和三年陞為中山府。建炎初金人分兵據兩河。唯中山慶源保莫那沿。

真磁絳相州皆能堅守。中山自靖康末受圍。至建炎二年三月凡三歲。糧。

竭人困始陷。貢羅大花綾。領縣八。治安喜。安喜。古中山。鮮虞。地。漢。盧。

奴縣。有盧水。常黑曰盧。下流曰奴。因以名為縣焉。無極。漢舊縣。曲陽。漢縣。

有北岳恒山。常水所出。陘邑。唐縣。望都。唐縣。始封於此。有先母慶都山。

唐水。於水。博水。金人改為慶都縣。唐。漢。苦陘縣。新樂。春秋鮮虞國。隋縣有。

冰水。常水。北平。漢縣。慶曆二年以北軍寨建州。即縣治。置軍使。隸州。

懷州。禹貢覃懷之地。杜祐通典為貢曰。覃懷底績。太行山在焉。周為畿。

內。及衛。邠。雍。三國。邠音于。春秋時又屬晉。左傳襄王賜文公陽樊。隰。原。攢。

節之田。晉於是始啓南陽。杜註云。晉山之南。河之北。故曰南陽也。又云。武。

王克商。蘇忿生以溫為司寇。其田有隕。懷是也。隕。徒回反。戰國時為魏衛二國之境。秦始皇滅衛。其居角徙居野王。阻其山保之。胡亥廢角為庶人。以其地屬三川郡。項羽立司馬卬為殷王。王河內。漢高帝初為殷國。尋更名河內郡。後漢因之。晉為河內汲二郡地。後魏置懷州。兼置河內郡。隋初郡廢。而懷州如故。煬帝初州廢。復置河內郡。唐因之。亦為東畿內之郡。屬河北道。宋同。領縣五。宋同。為河內郡團練。依為防禦。建炎後陷於金。金隸河東南路。貢牛。勝皂角。縣五。治河內。河內。隋縣有太行山。沁水。丹水。大會寨。杜祐通典。漢野王縣有沁水。自河南府濟源界流入。武德。周。蘇念土之邑。唐縣。熙寧間省為鎮。入河內。元祐初復。修武。商。甯。邑。漢縣。熙寧間省為鎮。入武陟。元祐初復。武陟。即魏文帝封漢獻帝居獨原之地。唐縣獲嘉。漢武帝幸緱氏。至汲縣。得南越相呂嘉首。因以名其縣。有清水。衛州。殷之舊都。周既滅殷。以殷餘人封康叔為衛君。居河淇之間。故商墟也。其後衛為翟人所滅。齊桓更封衛於河南楚丘。而河內殷墟復屬於晉。戰國時屬衛。秦并天下。為東郡三川二郡之地。二漢為河內魏二郡地。魏置朝歌郡。晉改置汲郡。後魏亦為汲郡東郡。置義州。後周為衛州。又分置修武郡。隋初郡廢。煬帝初州廢。復為汲河內二郡地。唐為汲郡。屬河北